

TOSHKENT HAQIQATI

Viloyat
ijtimoiy-siyosiy
gazetasi

1928-yil 11-dekabrda
asos solingan

2025-yil 5-mart / CHORSHANBA / № 13 (13774)

HAQSEVAR ONA YURT, MANGU BO'L OBOD!

@haqiqatonline_24

Haqiqat online

haqiqatonline_

MEGALOYIHALAR MANZILI

O'tgan haftada Toshkent viloyati hokimligi bilan hamkorlikda Olmaliq kon-metallurgiya kombinatiga press-tur o'tkazildi.

"OKMKda megaloyiha ijrosi" mavzusidagi press-tur ishtirokchilari dastlab kombinat qoshidagi Muhandislik maktabi faoliyati bilan yaqindan tanishishdi.



Press-tur



4

ЖАМИАТНИНГ АСЛ БОЙЛИГИ

Тиббиёт

Мамлакатимизда соғлиқни сақлаш соҳасини тиббий такомиллаштириш, халқимизга сифатли тиббий хизмат кўрсатиш, аҳолининг репродуктив саломатлигини мустаҳкамлаш, оналик ва болаликни муҳофаза қилиш, соғлом авлод тарбияси учун зарур шарт-шароитлар яратиш давлатимиз сиёсатининг устувор йўналишларидан бири сифатида белгиланган.

2



YUQORI CHIRCHIQ tumanida Favqulodda vaziyatlar vazirligi tashkil topgan kun munosabati bilan tadbir tashkil etildi. Unda sohada namunalni faoliyat yuritgan bir guruh xodimlarga tashakkurnoma va esdalik sovg'alari topshirildi.

BO'KA tumanida viloyatda pillachilik mavsumini uyushqoqlik bilan tashkil qilish maqsadida "Ipak qurti parvarishlash va tutchilik sohasiga oid zamonaviy texnologiyalarni qo'llash" mavzusida o'quv-amaliy seminar o'tkazildi. Unda Vetnam va Xitoy tajribasini amaliyotga tatbiq qilish bo'yicha tavsiyalar berildi.

ZANGIOTA ziyoratgohida "Vaqt" xayriya jamoat fondi viloyat bo'limi homiyligida 50 nafar ijtimoiy yordamga muhtoj fuqarolarga iftorlik dasturxonini yozildi.

CHIRCHIQ davlat pedagogika universitetida O'zbekiston xalq shoirasi Zulfiya Isroilova tavalludining 110 yilligiga bag'ishlangan "Bahor keldi seni so'roqlab" mavzusida bayram tadbiri bo'lib o'tdi. Bir qator mutasaddilar ishtirok etgan tadbirida Vatanni, bahorni, go'zallikni tarannum etuvchi she'rilar o'qildi.



CHINOZ tumanida "Oila va xotin-qizlar maskani" ochildi. Mazkur maskan Oila institutini rivojlantirish, yoshlarni oilaviy hayotga tayyorlash maqsadida tashkil etildi.



Мукофот муборак!

Ўзбекистон Республикаси Президентининг "8 март – Халқаро хотин-қизлар куни муносабати билан мукофотлаш тўғрисида" - ги Фармонига мувофиқ, ўзининг кўп йиллик самарали меҳнати, юқори касбий малакаси ва маҳорати билан юртимиздаги туб ислохотларда фаол қатнашиб, Янги Ўзбекистонни барпо этиш, халқимиз фаровонлигини юксалтириш йўлида алоҳида ташаббус ва ибрат кўрсатиб келаётган, оилаларда маънавий-ахлоқий муҳитни мустаҳкамлаш, фарзандларимизни Ватанга муҳаббат ва садоқат, миллий ва умуминсоний қадриятларга ҳурмат руҳида тарбиялашга катта ҳисса қўшаётган бир гуруҳ она-сингилларимиз давлатимизнинг юксак ордени ва медаллари билан мукофотландилар.

Улар орасида вилоятимиздан қуйидагилар бор:

«Дўстлик» ордени билан

Турсункулова Джамиля Шамсиевна – «Ўзбекистон металлургия комбинати» акциядорлик жамиятининг золдир прокатлаш бўлини маси кран машинисти

II даражали «Соғлом авлод учун» ордени билан

Хилватуллаева Зариба Абдуназаровна – Пискент тумани ҳокимининг ўринбосари – оила ва хотин-қизлар бўлими бошлиғи

«Соғлом турмуш» медаллари билан

Аллаярова Дилфуза Миржалиловна – Юқори Чирчиқ туманидаги 7-умумий ўрта таълим мактабининг рус тили фани ўқитувчиси, марафон югурувчиси

«Шухрат» медаллари билан

Абдувалиева Санобар Султоновна – «Олмалиқ кон-металлургия комбинати» акциядорлик жамиятининг Ангрен кон бошқармаси «Кўчбулоқ» шахтаси компрессор қурилмалари машинисти

Боева Фотима Салоҳиддиновна – Паркент туманидаги якка тартибдаги тадбиркор

Ўзбекистон Республикаси Президентининг "Зулфия номидаги Давлат мукофоти билан тақдирлаш тўғрисида" ги Қарори мувофиқ, мамлакатимизда хотин-қизларни эъзозлаш, уларнинг эзгу орзу-интилишларини қўллаб-қувватлаш мақсадида ўзининг иқтидори, муҳим ғоя ва ташаббуслари, ибратли амалий ишлари ва эришган ютуқлари билан ёшларга ўрнак бўлиб келаётган, ижтимоий-иқтисодий ҳаётимиздаги ўзгаришлар жараёнида фаол иштирок этиб, Ватанимиз равнақи йўлида бор куч-ғайрати, замонaviй билим ва малакаси, маънавий-интеллектуал салоҳиятини намояндалашган бир гуруҳ кизлар мукофотландилар.

Улар орасида Тошкент вилоятининг икки вакиласи ҳам бор:

Анварова Нанма Анвар қизи – Чиноз туманидаги 7-сонли умумий ўрта таълим мактабининг она тили ва адабиёт фани ўқитувчиси

Уралова Ойша Абдураим қизи – Ангрен шаҳридаги "Янгиобод келажак сари" оилавий корхонаси раҳбари

Viloyat bo'ylab





сингари энг тезкор ва-зифалар юқорида тилга олинган рақамли тиббиёт асбоб-ускуналари ёрдамида амалга оширилмоқда.

Бу жараён юртимиз тиббиётида ҳам намоён бўлмоқда. Республиканинг барча минтақалари энг сўнгги русумдаги даволаш-диагностика жиҳозлари билан таъминланмоқда. Айниқса, тезкор лаборатория усуллари, компьютер томография, магнит-резонансли томография сингари замонавий аппаратуралар инсон танасидаги касалликларни эрта аниқлаш ва таъминлаш имконини бермоқда.

фтизиатрия сихатгоҳига маҳаллий бюджет ҳисобидан 110 млн. сўм маблаг эвазига 7 турдаги 7 дона физиотерапевтик ускуналар ўрнатилди.

Тиббий бригадалар фаолиятини янада такомиллаштириш мақсадида 80 дона ЭКГ тиббий ускунаси ҳамда 796 дона патронаж сумка учун 1 497.6 млн. сўм ажратилиб, сотиб олинган жиҳозлар жойларга етказилди.

Маълумки, ҳар қандай соҳани ривожлантириш учун малакали кадрларга талаб ва эҳтиёж ортиб бораверади. Чунки, тезкор даврда тиббиётнинг мураккаб жараёнларини босиб ўтиш ва инсонлар саломатлигини яхшилашга эришиш муайян тажриба ва

ларда, халқаро конгресс ва симпозиумларда иштирок этиб, малака ошириб келмоқдалар.

Бунинг натижасида авваллари хорижда ўтказилган мураккаб операциялар эндиликда юртимиздаги шифохоналарда муваффақиятли амалга оширилмоқда.

Бугунги кунда вилоят соғлиқни сақлаш тизимида 39 мингдан ортиқ тиббиёт ходимлари фаолият юритиб келмоқда. Уларнинг 4 минг 846 нафари шифокор ва 22 минг 692 нафари ўрта тиббиёт ходимидир. Шифокорларнинг 12 нафари тиббиёт фанлари доктори, 38 нафари тиббиёт фанлари номзоди, 3 минг 109 нафари тоифага эга шифокорлардир. Эътиборлиси, 38 нафар шифокор хорижнинг етук клиника ва тиббиёт марказларида малака ошириб келишди.

Айтиш жоизки, Вазирлар Маҳкамасининг тегишли қарори билан вилоятдаги 34 та маҳалланинг олис ва чекка ҳудудларида 34 нафар шифокор фаолият олиб бормоқда, улардан 23 нафарига 30 миллион сўм миқдорида бир марталик бошланғич ёрдам пули берилди.

Шунингдек, вилоятдаги вақант шифокор ўринларини тўлдириш мақсадида тор соҳа мутахассисларига бўлган эҳтиёж юқорилиги инобатга оlinиб, 2024-2025 ўқув йилида клиник ординатура қабулига қўшимча равишда квота ўринлар ажратилди. Вилоят соғлиқни сақлаш бошқармаси 300 нафар клиник ординаторлар билан кадрлар тайёрлаш ва ёш мутахассисларни иш билан таъминлашга қўмаклашиш тўғрисида шартномалар имзолади.

Бир сўз билан айтганда, бугун тиббиёт ходимлари изланишдан, тажриба

– Subsidiyaga olingan uy-joy kreditidan daromad solig'i olinadimi?

Erkin ABZALOV,
Chinoz tumani

– Subsidiya asosida olingan uy-joy krediti uchun yo'naltirilgan mablag'dan daromad solig'i olinmaydi.

O'zbekiston Respublikasi Prezidentining "Ipoteka kreditidan foydalanishda aholiga qo'shimcha qulayliklar yaratish chora-tadbirlari to'g'risida"gi Qaroriga ko'ra, 2023-yil 1-yanvardan boshlab dastlabki badalning va ipoteka krediti bo'yicha foizlarning bir qismini qoplash uchun subsidiya berilgan fuqarolarning uy-joylarni sotib olish, qurish yoki rekonstruksiya qilish uchun olingan ipoteka kreditlarini hamda ular bo'yicha hisoblangan foizlarni to'lash uchun yo'naltirilgan ish haqi va boshqa daromadlari jismoniy shaxslardan olinadigan daromad solig'iga tortilmaydi.

Ko'zda tutilgan imtiyoz qarz oluvchi va birga qarz oluvchilar daromadining bir soliq davrida mehnatga haq to'lash eng kam miqdorining sakson baravaridan oshmasdan qismiga tatbiq etiladi.

2023-yildan boshlab ipoteka krediti hisobiga sotib olingan, qurilgan va rekonstruksiya qilingan mol-mulk unga bo'lgan huquq davlat ro'yxatidan o'tkazilgan sanadan e'tiboran o'ttiz olti oy ichida begonalashtirilganda, qarorning 1-bandida nazarda tutilgan daromadlar belgilangan tartibda soliqqa tortiladi.



– Ishga qabul qilishda kimlarga dastlabki sinov belgilanmaydi?

Zahro BEGMATOVA,
Yangiyo'l shahri

– O'zbekiston Mehnat kodeksiga ko'ra, quyidagilarga ishga qabul qilinayotganda dastlabki sinov belgilanmaydi:

- homilador ayol, 3 yoshga to'lmagan bolasi bor ayol yoki 3 yoshga to'lmagan bolani yolg'iz o'zi tarbiyalayotgan ota (vasiy);
- zaxiraga qo'yiladigan ish o'rinlariga ishga joylashtirish uchun yuborilgan aholining ijtimoiy ehtiyojmand toifalaridan bo'lgan shaxslar;
- davlat grantlari asosida o'qigan va oliy ta'lim tashkilotini tamomlagan kundan e'tiboran 3 oy ichida yo'llanma bo'yicha olingan mutaxassisligiga doir ishga kirayotgan oliy ta'lim tashkilotlarining bitiruvchilari;
- tegishli ta'lim tashkilotini tamomlagan kundan e'tiboran 1 yil ichida birinchi bor ishga kirayotganda olingan mutaxassisligi bo'yicha



mustaqil ravishda ishga joylashayotgan umumiy o'rta, o'rta maxsus, professional va oliy ta'lim tashkilotlarining bitiruvchilari;

- 6 oygacha muddatga mehnat shartnomasi tuzilayotgan xodimlar;
- 18 yoshga to'lmagan shaxslar;

- ishga qaytadan qabul qilingan taqdirda ish beruvchi ilgari qaysi xodimlar bilan mehnat shartnomasini alohida asoslar bo'yicha bekor qilgan bo'lsa, o'sha shaxslar;
- ishlab chiqarishda o'qitish shartnomasi bo'yicha ushbu ish beruvchida o'qishni o'tagan o'quvchilar.

Savollarga Toshkent tumani adliya bo'limi yuridik xizmat ko'rsatish markazi boshlig'i Suhrob RAHMATOV javob berdi.

ЖАМИАТНИНГ АСЛ БОЙЛИГИ

Президентимизнинг "...Тиббиёт ходимлари бизнинг саломатлигимиз посбонларидир. Уларга халқ ишониши, улар эса халқни ишонтира олиши керак", деган сўзлари зиммамизга улкан масъулият юклаш баробарида соҳадаги ислохотларни бутунлай янги bosqichga олиб чиқди.

Хусусан, Тошкент вилоятида ҳам аҳоли саломатлигини ишончли муҳофаза қилиш мақсадида барча зарур шароитларни яратиш бўйича тизимли ишлар олиб борилмоқда.

Бугунги кунда вилоятда 200 га яқин oilaviy poliklinika va shifokorlik punktlari аҳолига хизмат кўрсатмоқда.

Утган йилда вилоятнинг 3 млн. 35 минг 135 нафар аҳолиси (98,3 фоизи) хатловдан ўтказилди. Диспансер назоратида бўлган 735 минг 333 нафар беморнинг 708 минг 917 нафари соғломлаштирилди.

Вилоят ҳокимлиги ташаббусига кўра, жами 148 та маҳаллада сайёр тиббий кўриқлар ўтказилиб, жами 12 минг 637 нафар фуқаро қамраб олинди. Уларнинг 7 минг 878 нафарида турли касалликлар аниқланиб, даволаш чоралари кўрилди.

Эътиборлиси, Республика ихтисослаштирилган гематология илмий амалий тиббиёт маркази вилоят филиали ҳамда Чирчиқ шаҳар тиббиёт бирлашмасида 40 ўринли гематология бўлими фаолияти йўлга қўйилди.

Биз тараққиёт ва ахборот технологиялари даврида яшашимиз. Барча соҳалардаги каби фанда ҳам "рақамли тиббиёт" тушунчаси пайдо бўлди. Одам анатомиясини мураккаб жараёнда ўрганиш, тадқиқ қилиш, номаълум характерга эга касалликларга тахис қўйиш, инсон ҳаётига хавф солувчи хасталикларни эрта аниқлаш, профилактика чора-тадбирларини кўллаш



Бу жараёнларда вилоятимиз тиббиёт марказлари ҳам энг замонавий ускуналар билан жиҳозланиб, юқори технологик жарроҳлик амалиётлари муваффақиятли ўтказилмоқда.

Жумладан, Республика шошилинч тиббий ёрдам илмий маркази Тошкент вилояти филиалида "интервенцион ангиография" аппарати ўрнатилиб, реконструкция ишлари учун вилоят ҳокимлиги томонидан 350 млн. сўм ажратилди. Натижада тез тиббий ёрдамга муҳтож юрак-коронар томирда муаммоси бор беморларга ўз вақтида малакали тиббий хизмат кўрсатилишига эришилмоқда.

Шунингдек, вилоят қон қуйиш станцияси 185 млн. 400 минг сўмлик 5 турдаги 13 дона тиббий ускуналар билан таъминланди.

Бундан ташқари, вилоятдаги шаҳар ва туман тиббиёт бирлашмаларига 6 млрд. 391 млн. 211 минг сўмлик 3 турдаги 253 дона физиотерапия ускуналари берилди.

Осиё тараққиёт банки лойиҳаси томонидан туман тиббиёт бирлашмалари ОП ва ОШПлари 5 млрд. 434 млн. 664 минг сўмлик 13 турдаги 2 минг 308 дона замонавий асбоб-ускуналар билан жиҳозланди.

Президентимизнинг тегишли қарори ижроси юзасидан Вилоят болалар



Жалолiddин ЭСОНОВ ("Тошкент ҳақиқати") олган суратлар

касбий кўникмага эга мутахассисни талаб этади.

Шу сабабли, давлатимиз томонидан тиббиёт кадрларини тайёрлаш, ўқитиш ва рағбатлантиришга алоҳида эътибор қаратилмоқда. Тан олиб айтиш керак, орамизда хориж тажрибаси билан бемалол ишлай оладиган малакали мутахассисларимиз кўплаб топилади. Шунингдек, ҳар йили ўнлаб тиббиёт ходимлари хорижий клиника-

ва малака оширишдан тўхташмаяпти. Президентимиз бошчилигида тиббиёт тизимида олиб борилаётган ислохотлар эса халқимизни бугундан рози қилиш, эртанги кунга ишончини мустаҳкамлашдек эзгу мақсадга хизмат қилмоқда.

Тўрақул АРЗИҚУЛОВ,
вилоят Соғлиқни сақлаш бошқармаси бошлиғи,
тиббиёт фанлари доктори

▼ Фаровон ҳаёт мезонлари

Оққўрғон туманининг "Қўрғонча" маҳалласида истиқомат қилувчи Машхура Аббосова турмуш ўртоғи билан бир мuddат Россия Федерациясида ишлади. Мусофирчиликда яшаш, фарзандларининг соғинчи олдида топган даромади ҳеч нарса бўлмай қолди. Эр-хотин бир қарорга келиб, Ватанга қайтишди. Аввалига уйда қорамол боқишди, аммо эплашолмади. Кейин беданачиликни ўрганишди. Мана икки йилдирки, рўзгорларига барака кирди, кўнгиллари хотиржам.

– Мусофир бўлган одам ўз уйи, маҳалласи ва Ватанининг қадрига кўпроқ етар экан, – дейди М. Аббосова. – Ўшанда хонадонимиздаги етишмовчилик сабаб ўзга юртда ишлашга мажбур бўлган эдик. Ўз юртингда ҳам яхши даромад топиш имконлигини кеч бўлсада тушундик. Айни пайтда хонадонимиздаги қўшимча бинода мингдан зиёд бедана парваришляпмиз. Кўнига 300 тадан 500 тагача бедана тухумини ййиб оламиз. Донасини улгуржи нархда 500 сўмдан маҳаллий бозор ва дўконларга тарқатамиз. Бедананинг гўштини эса турли тамаддиҳоналарга топширамыз. Яқинда маҳалламизнинг ҳоким ёрдамчиси кўмағида 33 млн. сўм имтиёзли кредит олдик. Тез фурсатда уй шароитида бедана тухумларидан полапонлар очтирамиз. Шўкр, ишларимиз юришиб кетди. Бизга ёрдам берганлардан миннатдоримиз.

Нишонали Ёшматов ҳам шу маҳаллада истиқомат қилади. Айни пайтда 8 сотих иссиқхона-

да резаворлар етиштирмоқда.

– 2018 йили хорижа деҳқончилик қилиш учун бориб, тарвуз етиштириш бўйича тажриба алмашдим, – дейди Н.Ёшматов. – Қишлоққа қайтгач, томорқада кичик иссиқхона қурдик. Даромади ёмон бўлмади. Ҳар йили олган фойдамизнинг тенг ярмига уни кенгайтириб бордик. Биласиз, ёқилги сарфланмайдиган иссиқхоналарни иситиш жуда қийин. Шу сабабли термос усулида совуққа чидамли маҳсулотлар етиштирамиз. Бу усулнинг қулайлиги: қиш кунлари ташқарида ҳарорат 3-5 даражани кўрсатса, ичкарида 20 даража иссиқ бўлади. Ҳозир редиска ва салат барги кўчатларини етиштирямиз. Сувни тежаб, томчилатиб суғорямиз. Бўшаган майдонга пешма-пеш булғор қалампери, помидор кўчатларини екамиз. Утган йили булғор



Аввал ўзга юртда ишчи бўлиб юрган эдим, бугун ўз корхонамда ўн нафар ёшни иш билан таъминладим.

қалампирининг "светофор" намини экиб, 70 миллион сўм даромад олдик. Бу йил ҳам астойдил меҳнат қиляпмиз.

Бу хонадондаги томорқада биогомус етиштирилади. Сабаби бир йилда уч марта ҳосил олиш ернинг "қучи"ни камайтиради, кимёвий ўғитлар эса вақт ўтиб унумдорликни пасайтиради. Бундай кезларда биогомус ерга қайта куч беради.

Шу маҳаллалик Бобур Исмоилов олти йилдан бери асалари парваришлайди. Ҳозирда асаларилар олмаси сони 200 тага етди. Маҳалладаги хонадонларга ҳам асалари



оилаларини етказиб беришни йўлга қўйган. Ҳар оила бир мавсумда 15 килограммдан асал беради. Хуллас, асаларичилик ҳам яхши даромад бермоқда.

"Фарҳод ва Чаросхон" хусусий корхонаси раҳбари Саидмуҳаммад Турсунов ҳам хорижда ишлаб қайтган.



– Саккиз йил аввал хонадонимизда икки минг дона бройлер жўжаларини парваришлаган эдик, – дейди у. – Ўша пайт шартнома асосида хорижга ишлашга кетдим. Уйга қайтгач, яна жўжа етиштиришни йўлга қўйдим. Ийлига 15 минг дона бройлер жўжаларни қушхоналар учун боқамиз. Қарангки, аввал ўзга юртда ишчи бўлиб юрган эдим, бугун ўз корхонамда ўн нафар ёшни иш билан таъминладим.

Ҳақиқатан, бу маҳаллада миграциядан қайтганлар билан ишлаш тизими яхши йўлга қўйилган. Бунда ҳоким ёрдамчисининг саъй-ҳаракати катта бўлмоқда.

– Маҳалламиздаги 625 та хонадонда 3 минг 435 нафар аҳоли истиқомат қилади, улардан 55

нафари ишсиз, 18 нафари камбағал оила реестрига киритилган, – дейди ҳоким ёрдамчиси Ҳусан Баҳоров. – Худудимизда 12 та табдиркорлик субъекти бор, утган йили 65 нафар фуқарога табдиркорлик йўналишида 736 млн. сўм имтиёзли кредит ажратилди. 109 нафар фуқаро доимий ишга жойлаштирилди. Хорижда ишлаётган кам даромадли мигрантларнинг 19 нафари қайтарилиб, доимий бандлиги таъминланди. Жорий йилда ҳам бу ишларимизни тизимли давом эттирамиз.

Нигора ЎРОЛОВА,
"Тошкент ҳақиқати" муҳбири
Аслиддин АЛИЖОНОВ
олган суратлар

Дошқозон "дийдорлари"

ёхуд сумалакдан тош топганмисиз?

*Ҳар баҳорда шу бўлар такрор,
Ҳар баҳор ҳам шундай ўтади...*

...Болалигимни эсласам, беихтиёр Ҳамид Олимжоннинг машҳур сатрлари ёдимга келаверади. Чунки ҳар баҳорда хонадонимизда кутиб олинадиган ўзига хос байрам бор эди – сумалак тайёрлаш. Бу – фақатгина дошқозонда таом тайёрлаш жараёни эмас, балки оиламиз аъзоларининг, қариндош-уруғларнинг бир жойга жам бўлиши, қувноқ ўйинлар ўйнаш, оилавий анъаналарни давом эттириш ва бир-бирига меҳр-оқибатни намоён қилиш кунлари эди.

Шу куни катта ҳовлида ҳар бир киши ўз ишига шўнғиб кетарди. Янгаларим барчага овқат қилишга уннаб кетар, хоаларим бугдойни майдалагичдан ўтказар, тогаларим эса ўтин ёриш билан машғул бўлардилар. Биз болалар эса катталарни жоғиртириб, кенг ҳовлининг у ёғидан бу ёққа, бу ёғидан у ёққа югуриб, ўйиндан бўшамасдик. Гоҳ-гоҳида бобом "Борларинг, оёқнинг тағида ўралашмаларинг!" деб қийиб берардилар. Биз ҳам шуни кутиб тургандек кўчага ўйнагани чиқиб кетардик.

Кейин айни футболнинг қизиқ палласи "Меҳриддин, бор, ҳамма

болаларни йиғиб кел", деб онам қақириб қолар эдилар. "Энди ҳамманг дарёга тушиб, майда тошлардан йиғиб келинглар".

Тезда тошларни териб келардик. Уларни ювиб, тозалаб, қозонга солишга тайёрлаб кўярдик.

"Ланка", "Мерган", "Оқ теракми, кўк терак?" деган ўйинларни ҳам маза қилиб ўйнар эдик. Улар руҳимизни яхшиларди, бир-биримизга бўлган ҳурматни ва меҳрни мустаҳкамларди. Ҳар йили сумалак тайёрлаш ўзига хос бир байрамга айланарди. Ҳамма ўқишидан, ишидан, кундалик ташвишларидан биров ҳоли бўлиб, оилавий анъаналар, хотиралар, қувноқ ўйинлар билан тўлиб-тошган кунни бирга ўтказардик. Йиллар ўтган сари бу байрамнинг аҳамияти ортиб, бизни бирлаштирган анъаналар сифатида сақланиб қоларди. Оқшом янгаларим тайёрлаган овқатни еб, болалар бирин-кетин уйкуга кетардилар. Ухламаганлар доира чалиб, халқ лапарларидан айтиб ўйнар



эдилар. Қўшиқлар тингач, бувим дошқозоннинг атрофида биз эшитмаган ривоятларни айтиб берар эдилар. – Қадимги халқ афсоналари ва ривоятларида айтилишича, баҳор фаслида кўкдан гўзал парилар тушиб, таомлар тайёрлаб, уни пок ниятли кишиларга, кўнгли ярим етим-есирларга тарқатишар экан.

Тонготар маҳали эса яна самога кўтарилиб, кўздан ғойиб бўлишар экан. Бунга гувоҳ бўлганлар "Си малак, си малак!" дейишар экан. Бун туркчадан ўнгирганда "Ўттиз малак", "Ўттиз пари" деган маънони билдирар экан.

Сумалак пишириш дегани ёмғир қақирш маросими эмиш. Катта қозон – рамзий маънодаги осмон,

ичидаги сумалак – булутлар экан. Бунга кимдир ишонмаслиги мумкин, лекин бунда ҳақиқатга яқин нимадир бор-да, болаларим. Тасаввур қилинг, сумалак қайнаб, ранги тобора қуюқлашгани – булутларнинг сувга тўлиб қорайганига ўхшайди.

Сумалак масаллиқлари – ёмғирга муҳтож бугдой майсалари. Ун – ёмғирда яйраб етилган бугдой ҳосилдир. Сумалак тайёрлаш маросими давомида қозондаги масаллиқ ҳам "оқ ёмғир" ёққандаги каби катта-катта пуфақчалар ҳосил қилиб, қайнаётганлигининг гувоҳи бўласиз. Қозон кавлаётганлар юртда тинчлик, ҳосил мўл бўлишини, фарзандларнинг бахту камолию бошқа эзгу тилакларни Яратгандан сўрашади. Бундай маросимлардан кейин баҳор ёмғирларининг шаррос қуйиши ҳам беқорга эмас, болам.

Бувимнинг ҳикояларини тинглаб ётиб, ухлаб қолар эдик.

Эрталаб турганимда мендан бошқа ҳамма уйғонган бўлар эди. "Ниманинг расми чиқибди?" деб хансираганимча, шоша-пиша савол берардим. "Товуснинг расми чиқди, ака, сизни уйғотдим, турмадингиз. Энди алам қилсин, қўролмайсиз!" дея жавоб беради маҳмадона синглим.

Сумалак тайёрлаш жараёни нафақат бизнинг оиламиз учун, балки барча кўшниллар, қариндошлар ва дўстларимиз учун меҳр байрами бўлиб қолар эди. Шу боис йил давомида бир марта бўлса ҳам шу маросимни биргаликда ўтказиш, одамларни бирлаштирадиган, уларнинг юракларига яхшилиқлар муҳрлайдиган кунларни соғиниб яшар эдик...

Меҳриддин ИБРАГИМОВ,
"Тошкент ҳақиқати" мухбири

Испанча уялиш

Ёхуд ўғрининг ишига тўғри хижолат

Бутун дунёда инсоният ҳис-туйғуларини баён этишида баъзан "Испанча уялиш" ёки "Испанча уят" («La Vergüenza Española»), русчада «Испанский стыд» терминлари тез-тез қўлланади. Испан тили изоҳли луғатида (Diccionario del uso del Español) «Испанча уялиш» бошқалар томонидан содир этилган хатти-ҳаракатлар учун ўзгаларнинг қаттиқ уялишни ҳис қилиши, деб келтирилган.

Бизга алоқаси йўқ шармандали ҳолатда ёки бир киши ўзини мутлақо ноўрин тутганда унинг қилмиши учун нега биз уялишимиз керак?! Ва бунинг испанларга нима алоқаси бор, деган саволлар тугилиши табиий. Испанча уят ҳисси, албатта, географик жиҳатдан чекланган эмас. Бу нафақат Испанияда, балки бутун Европа, Америка ва Осиёда ҳам бошдан кечирилиши мумкин. Мазкур иборанинг пайдо бўлиши ҳақида қуйидаги икки хил назария мавжуд:

«Испанча уят» ибораси ҳақидаги илк назарияга мувофиқ, испанлар биринчи бўлиб бундай ҳис-туйғуларни бошқаларнинг хатти-ҳаракатларидан келиб чиқадиган психологик ноқулайлик деб номлашган ҳамда «кимдир учун бегона одамларнинг уялиши», "бегона учун уят" каби терминологияни қўллашган.

Иккинчи назарияга кўра, бу ибора Инжилга боғланади. Исо пайгамбарни сотган Яхудонинг виждон азобига тушгани ҳақидаги афсонани эшитганмиз, бу қийноққа чидолмай ў ўзини теракка осадди. Мазкур хоиннинг ўз жонига қасд қилиш учун айнан ундан фойдаланганлигидан дарахт ҳам қаттиқ уялган, деб ривоят қилинади. Ибронийчада теракнинг номи «аспа» ёки «аспах» деб аталиши, кейинчалик бу лексема талаффузи "хиспано" сўзига ўзгариб, "La Vergüenza Española"га айланиб кетган, деб қаралади.

Психологлар инсонлар нафақат оила аъзолари ёки яқинлари учун, балки жинси, терисининг ранги ёки дини бир одамларнинг қилгилликлари учун ҳам ёқимсиз ҳис-туйғу – испанча уялишни ҳис қилиши мумкин, деб келтирадилар. Бугунги глобаллашган, айниқса, ахбо-

рот тарқалиши тезлашган замонда "испанча уялиш"ни тез-тез кузатмоқдамиз. Демак, бу бир киши учун ёки бир тўда, бир ғуруҳ, ҳаттоки бутун бир жамят учун ҳам ҳис қилиниши мумкин.

Vergüenza (уят) сўзи қатнашган анчагина мақоллар ҳам мавжуд. Қуйида испанча, қавсда маъноси ва ўзбек тилидаги мазмунни яқинроқ вариантлари кетма-кетликда келтирилди:

Antes muerte que vergüenza (шарманда бўлгандан ўлган яхши) – Уят ўлимдан қаттиқ.

Cara a cara vergüenza se cata (юзма-юз уят татиб кўрилади) – Юз-юзга тушар, уят – ичга.

Dejate la vergüenza atrás, y medrarás – (уятни орқага ташла, шунда омадга эришасан) – Безнинг иши – беш.

El amor destierra la vergüenza (севги уятдан устун) – Севгининг кўзи кўр, қулоғи қар.

La vergüenza una vez perdida, se perdió para toda la vida (бир марта йўқотилган номус бир умрга татийди) – Номус ўлимдан қаттиқ; Бойлик кетса кетсин, ор-номус кетмасин; Жонингни фидо қилсанг қил, номусингни фидо қилма.

Умуман олганда, "Vergüenza" контекстга қараб ўзбек тилига уят, номус, ор-номус, шаън каби сўзлар орқали таржима қилиниши мумкин. Она тилимизда ҳам "уят" туйғуси акс этган талай мақол-маталлар мавжуд:

Ножўя ишдан ёш бола ҳам уялар.
Обрў иситар – уят куйдирар.
Уят ўлимдан қаттиқ.
Ўғрининг ишига тўғри уялар.
Бетамизда уят йўқ, аҳмоқда – ният.
Дилрабо БАХРОНОВА тайёрлади

Саломат бўлинг

“ҚОРАОҚСОҚ”НИНГ “ҚОРА” АЛОМАТЛАРИ

Баҳор фасли келиши билан аҳоли орасида юқумли касалликларга чалиниш ҳолатлари кўпаяди. Айниқса, улар орасида уй ҳайвонлари орқали юқадиغانлари анча хавфли саналади.

Бруцеллёз – халқ орасида "қораоқсоқ" деб аталувчи касаллик бўлиб, инсонларга, асосан, эчки, қўй, йирик шохли қорамол каби ҳайвонлардан юқади. Бу касаллик одамнинг таянч-ҳаракат аъзолари ҳамда асаб тизимини шикастлайди. Ҳатто айрим беморларда ногиронлиқни келтириб чиқариши мумкин.

Одатда бу хавфли вирусга чалиниш кўпроқ 18-50 ёшгача бўлган инсонларда учрайди. Бироқ охирги вақтларда касаллик болалар орасида ҳам кўп кузатилюқда.

Бруцеллёз, айниқса, ҳайвонларнинг кўпайиш даврида авж олади. Касалланган ҳайвонларда бола ташлаш, сутининг қамайиши, вазн йўқотиш, оқсоқланиш кузатилади.

Вирус инсонларга касалликка чалинган ҳайвонларнинг гўшти, сuti ва судтан тайёр-

ланган маҳсулотларни истеъмол қилганда юқади.

Хўш, мазкур касалликдан қандай ҳимояланиш мумкин?

Бунинг учун чорвачилик билан шуғулланувчилар ҳайвонларнинг ҳомиласи тушганда ветеринария мутахассисларига мурожаат қилиши, уй ҳайвонларини вақтида бруцеллёзга қарши эмлатиш, шунингдек, сутни қайнатиб ичиш, хом қаймоқни истеъмол қилмаслик, шахсий гигиена қоидаларига риоя этишлари керак. Ана шунда ўзингиз ва оила аъзоларингизни хавфли вирусдан ҳимоя қилган бўласиз.

Зулфия САЙЛИЕВА,
Санитария-эпидемиология осойишталик ва жамоат саломатлиги хизмати вилоят бошқармаси мутахассиси

▼ Эълонлар

“LOMBARD JAYRON KREDIT” МЧЖ Жамиятнинг 2024 йилги бухгалтерия баланси						
(минг сўмда)						
№	Актив	Йил бошига	Йил охирига	Пассив	Йил бошига	Йил охирига
1	Асосий воситалар	11 651,00	115 290,00	Устав капитали	1 700 000,00	2 400 000,00
2	Узоқ муддатли инвестициялар	–	–	Қўшилган капитал	–	–
3	Капитал қўйилмалар	–	–	Резерв капитал	120 000,00	255 000,00
4	Товар-моддий захиралари	2 831,00	9 831,00	Тақсимланмаган фойда	3 185 959,00	4 064 438,00
5	Дебиторлар	657 247,00	958 077,00	Мақсадли тушум ва фондлар	–	–
6	Пул маблағлари	86 278,00	309 081,00	Келгуси давр сарфлари ва тўловлари учун резервлар	–	–
7	Қисқа муддатли инвестициялар	6 015 489,00	8 662 161,00	Узоқ муддатли мажбуриятлар	–	–
8		–	–	Жорий мажбуриятлар	1 767 537,00	3 335 002,00
	Жами, активлар	6 773 496,00	10 054 440,00	Жами, пассив	6 773 496,00	10 054 440,00

Жамиятнинг 2024 йилги молиявий натижалари тўғрисидаги ҳисоботи		
(минг сўмда)		
Кўрсаткичлар номи	Даромад	Харажат
Маҳсулот сотишдан тушган соф тушум	5 596 658,00	
Сотилган маҳсулотлар таннари		
Маҳсулот сотишдан тушган ялпи фойда	5 596 658,00	
Давр харажатлари, жами:		2 488 699,00
Асосий фаолиятнинг бошқа даромадлари	2 739 351,00	
Молиявий фаолиятнинг даромадлари, жами	0,00	
Фоизлар шаклидаги харажатлар		1 581 761,00
Даромад солиғи тўлагунга қадар фойда	4 265 549,00	
Даромад (фойда) солиқ		690 861,00
Фойдадан бошқа солиқлар ва йиғимлар		
Ҳисобот даврида корхона ихтиёрида қоладиган соф фойда (зарар)	3 574 688,00	

Жамиятнинг 2024 йилги молиявий-ҳўжалик фаолияти яқунлари МЧЖ АТ шаклидаги «AUDIT EXPERTS GROUP» аудиторлик ташкилоти томонидан аудиторлик текширувидан ўтказилган.

“LOMBARD STOLICHNIY KREDIT” МЧЖ Жамиятнинг 2024 йилги бухгалтерия баланси						
(минг сўмда)						
№	Актив	Йил бошига	Йил охирига	Пассив	Йил бошига	Йил охирига
1	Асосий воситалар	154335	467202	Устав капитали	2300000,0	2300000,0
2	Узоқ муддатли инвестициялар	0,0	0,0	Қўшилган капитал	0,0	
3	Капитал қўйилмалар	0,0	0,0	Резерв капитал	345000,0	345000,0
4	Товар-моддий захиралари	10870	8674	Тақсимланмаган фойда	11733086,0	15837173,0
5	Дебиторлар	1565949	1990196	Мақсадли тушум ва фондлар	0,0	0,0
6	Пул маблағлари	852673	730171	Келгуси давр сарфлари ва тўловлари учун резервлар	0,0	0,0
7	Қисқа муддатли инвестициялар	12829998,0	18679958,0	Узоқ муддатли мажбуриятлар	0,0	0,0
8	Бошқа активлар	0,0	0,0	Жорий мажбуриятлар	1035739	3394028
	Жами, активлар	15413825,0	21876201,0	Жами, пассив	15413825,0	21876201,0

Жамиятнинг 2024 йилги молиявий натижалари тўғрисидаги ҳисоботи		
(минг сўмда)		
Кўрсаткичлар номи	Даромад	Харажат
Маҳсулот сотишдан тушган соф тушум	11050025,0	
Сотилган маҳсулотлар таннари		
Маҳсулот сотишдан тушган ялпи фойда	11050025,0	
Давр харажатлари, жами:		4311336,0
Асосий фаолиятнинг бошқа даромадлари		
Молиявий фаолиятнинг даромадлари, жами	3150660,0	
Фоизлар шаклидаги харажатлар		177989
Даромад солиғи тўлагунга қадар фойда	9711360,0	
Даромад (фойда) солиқ		1463536
Фойдадан бошқа солиқлар ва йиғимлар		
Ҳисобот даврида корхона ихтиёрида қоладиган соф фойда (зарар)	8247824,0	

Жамиятнинг 2024 йилги молиявий-ҳўжалик фаолияти яқунлари МЧЖ АТ шаклидаги «AUDIT EXPERTS GROUP» аудиторлик ташкилоти томонидан аудиторлик текширувидан ўтказилган.

MEGALOYIHALAR MANZILI



(Davomi. Boshlanishi 1-sahifada)

— Kombinat ehtiyojlari uchun professional muhandis-texnik xodimlarni qayta tayyorlash maqsadida tashkil etilgan Muhandislik maktabini loyihalash Germaniyaning "Aurubis" kompaniyasi o'quv markazi namunasida amalga oshirildi, — deydi muassasa direktori Behzod Salimov. — Bu yerda geologiya, konchilik ishi, kon sanoati transportlari, marksheyderlik ishi, foydali qazilmalarni boyitish, metallurgiya, mexanika, energetika, ishlab chiqarishni avtomatlashtirish yo'nalishlarida faoliyat olib borayotgan mutaxassislar o'qitilmoqda. O'quv dasturlari Frayberg texnika universiteti konchilik akademiyasi, "Aurubis" AG va "GP Günter Papenburg" AG kompaniyalarining kadrlarni tayyorlash bo'yicha dual ta'limga mo'ljallangan metodologiyalari asosida kombinat mutaxassislari va xorijiy hamkorlar ishtirokida ishlab chiqildi. Tinglovchilar AQSH, Germaniya, Yaponiya, Italiya davlatlaridan kelgan professor-o'qituvchilardan ham saboq olishmoqda.

Jurnalistlarga maktabda yaratilgan sharoitlar, laboratoriyalar, yoshlarga amaliy bilim berish jarayonlari ko'rsatildi.

Shundan so'ng, OAV vakillari dunyodagi eng yirik — "Qalmoqqir" va "Yoshlik-1" konlarida bo'lishdi. Ma'lumotlarga ko'ra, "Yoshlik-1" koni ma'dan tarkibida oltin hajmi bo'yicha dunyoda eng yirik kon, deya tan olingan.

— Ayni paytda 2030 yilgacha kombinatni rivojlantirish konsepsiyasi tasdiqlanib, amalga oshirilmoqda, — deydi "Yoshlik-1" direksiyasi yetakchi

loyihachisi Shohruh Salimov. — Uning doirasida "Yoshlik-1" konini o'zlashtirish va 3-Mis boyitish fabrikasini qurish ishlari olib borilmoqda. Shuningdek, yangi metallurgiya majmuasini loyihalashtirish va qurish ishlari boshlangan. Mazkur loyiha O'zbekiston tarixidagi eng yirik investitsiya loyihalaridan biridir. Uning amalga oshirilishi natijasida kombinatning ishlab chiqarish quvvati bir necha barobarga o'rtishi ko'zda tutilgan. Karyerni qurish bo'yicha loyiha boshidan buyon 217,1 mln. kubometr kon yuzasini ochish ishlari bajarildi. Jarayonda 400 ta texnika vositalari ishlamoqda. Uzunligi 4,2 kilometr bo'lgan magistral konveyerlar ma'danni fabrika xom ashyo omboriga tashishga tayyorlandi.

Keyingi manzil 3-Mis boyitish fabrikasi bo'ldi. Fabrikaning o'rta maydalash, ruda tayyorlash, ma'muriy-maishiy korpuslari hamda markaziy dispetcherlik punktlarida bo'lgan ishtirokchilar katta taassurotlar olishdi. Yiliga 60 mln. tonna ma'danni qayta ishlash quvvatiga ega 3-Mis boyitish fabrikasida qurilish ishlari hamohang tarzda texnologik uskunalar ham jadallik bilan o'rnatilmoqda. Mazkur fabrika

Fabrika to'liq avtomatlashtirilgan bo'lib, eng zamonaviy asbob-uskunalar bilan jihozlanmoqda. Uning ishga tushishi natijasida yiliga 60 mln. tonna mis-molibden ma'danlari qayta ishlanib, qo'shimcha 894 ming tonna mis konsentrat, shundan 167 ming tonna mis katodi, 13 tonna oltin hamda 72 tonna kumush va boshqa qimmatbaho metallarni ishlab chiqarish imkoniyati yaratiladi.

196 gektar yerda barpo etilib, umumiy ishlab chiqarish maydoni 136 gektarni tashkil etadi. Fabrika to'liq avtomatlashtirilgan bo'lib, eng zamonaviy asbob-uskunalar bilan jihozlanmoqda. Uning ishga tushishi natijasida yiliga 60 mln. tonna mis-molibden ma'danlari qayta ishlanib, qo'shimcha 894 ming tonna mis konsentrat, shundan 167 ming tonna mis katodi, 13 tonna oltin hamda 72 tonna kumush va boshqa qimmatbaho metallarni ishlab chiqarish imkoniyati yaratiladi. Bu yirik loyiha turdosh sanoat tarmoqlari rivojlanishiga ham turtki berdi. Jumladan, fabrika qurilishiga metall konstruksiyalar yetkazib berish uchun 6 ta zavod ishga tushirildi. Loyihalashtirishga Italiyaning "Wood" hamda loyihani texnik jihatdan baholash va qabul qilishga Buyuk Britaniyaning "Technip Energies" kompaniyalari jalb qilindi.

Kunning ikkinchi yarmida OAV vakillari uchun matbuot anjumani o'tkazildi. Unda Toshkent viloyati hokimi Zoyir Mirzaev hamda "Olmaliq kon-metallurgiya kombinati" AJ boshqaruv raisi Abdulla Xursanov, O'zbekiston Milliy media birlashmasi boshqaruvi raisi Sherzodxon

Qudratxo'ja ishtirok etdilar.

Viloyat hokimi kombinatda amalga oshirilayotgan megaloyihaning bugungi kundagi ahamiyati, ayniqsa, kundan-kunga dunyo bozorida misga bo'lgan talabning ortib borayotganini ta'kidlar ekan, 3-Mis boyitish fabrikasining ishga tushishi mamlakatimiz iqtisodiyotiga salmoqli hissa qo'shishini bildirdi.

Qayd etilganidek, kombinatda amalga oshirilayotgan keng ko'lami sa'y-harakatlardan kutilayotgan natija katta. Ma'lumki, 2024 yil 15 oktyabrda Prezidentimizning Olmaliq kon-metallurgiya kombinatiga tashrifi davomida ushbu loyihaning 2-bosqichi doirasida 4-mis boyitish fabrikasi qurilishiga start berilgan edi. Bu loyiha orqali yiliga 146 ming tonna katodli mis va boshqa qimmatbaho metallar olish quvvatlari yaratiladi. Fabrika va uning infratuzilmalarida 3 mingdan ortiq kishi ishlaydi. Yangi fabrikaning ishlab chiqarish jarayonida yuqori quvvatli, ekologik xavfsiz va tejankor texnologiyalar qo'llaniladi.

Ma'lumot uchun, joriy yil fevral oyida Jizzax viloyatining Forish tumanida OKMKda «Yoshlik-1» konini o'zlashtirish investitsiyaviy loyihasi doirasida yangi ohak zavodi qurilishi boshlandi. Shu bilan birga, "Sustainable Fitch" agentligi tomonidan OKMKga ESG reytingi berildi.

Matbuot anjumanida jurnalistlar o'zlarini qiziqtirgan savollarga atroflicha javob olishdi.

Nigora O'ROLOVA,
"Toshkent haqiqati" muxbiri
Asliddin ALIJONOV
olgan suratlar

TOSHKENT HAQIQATI
ТАШКЕНТСКАЯ ПРАВДА

Muassis:

**TOSHKENT
VILOYATI
HOKIMLIGI**

"Toshkent haqiqati" va
"Tashkentskaya pravda"
gazetalari tahrir hay'ati:

Zoyir MIRZAYEV
(tahrir hay'ati raisi)

Abdusamad NOSIROV

Ummat MIRZAQULOV

Hotamjon SAYDAHMEDOV

G'afurjon MUHAMEDOV

Sayyora FAYZIYEVA

Tohir ARIPOV

Mahmud TOIR

Uskenboy ATEMOV

Abdulla XURSANOV

Kumush EGAMBERDIYEVA

Behzod QOBULOV

Olimjon BEGALIYEV

Zarifa ERALIYEVA

Sergey MUTIN

Bosh muharrir:

G'ayrat SHERALIYEV



Qabulxona:

(55) 520-64-95

Bosh muharrir o'rinbosari:

(55) 520-04-10

Mas'ul kotib:

(55) 520-05-10

Bo'lim muharrirlari:

(55) 520-06-20, (55) 520-04-20

E'lonlar va hisob-kitob bo'limi:

(55) 520-21-20

e-mail: toshkenthqiqati@umail.uz

Mas'ul kotib:

Alloma AZIZOVA

Navbatchi:

Mehridin IBRAGIMOV

Ekspeditor:

Behruz NURBOBOYEV

Bosishga topshirish vaqti - 21.00.

Bosishga topshirildi - 19.30.

Nashr ko'rsatkichi - 205.

Buyurtma G-335.

4 528 nusxada chop etildi.

Hajmi - 2 taboq. Ofset usulida

bosildi. Qog'oz bichimi A-2.

Bahosi kelishilgan narxda.

Toshkent viloyati Axborot va ommaviy
kommunikatsiyalar boshqarmasida
2011-yil 12-yanvarda
03-001 raqami bilan
ro'yxatga olingan.

Manzil:
111500, Nurafshon shahri,
Toshkent yo'li ko'chasi, 90.
Toshkent shahridagi
ofisimiz: Bektemir tumani,
Ittifoq ko'chasi, 2.
ISSN 2010-9318.

Gazeta «Toshkent haqiqati»
tahririyati kompyuter markazida
terildi va Tohir Mahmudxo'jayev
tomonidan sahifalandi.

Haftaning
chorshanba va shanba
kunlari chiqadi.

«SHARQ» nashriyot-matbaa
aksiyadorlik kompaniyasi
bosmaxonasida bosildi.
Korxona manzili:
Toshkent shahri,
Buyuk Turon ko'chasi, 41-uy.

Султонмурод ОЛИМ

1 2 3 4 5 6

▼ Таклиф

МУҚОБИЛИ СИЗГА
МАЪҚУЛМИ?

Атамалар комиссиясининг ФА Ўзбек тили, адабиёти ва фольклори институти олимларидан иборат гуруҳи янги сўз-атамаларни ўзбекчалаштириб, истеъmolга киритишни таклиф қилмоқда:

Айсберг – музтоғ
Брусчатка – йўлғишт
Дискуссия – баҳс, мунозара
Зона – худуд
Инструмент – иш қуроли
Интенсив – жадал
Камера – бўлма
Конструкция – тузилма
Координатор – мувофиқлаштирувчи
Лидер – йўлбoshi, етакчи
Маршрут – йўналиш
Прогресс, прогрессив – илғор, ривожланиш
Доставка – етказиш
Пробег – юрим
Сет (овқатлар сети бўйича) – тўплам
Оправа – кўзойнак банди
Полик – тўшама
Балансировка – мувозанатлаштириш
Внедорожник – йўлтанламас
Челленж – чорлов
Навигатор – йўлагич
Селфи – ўзчеким
Светофор – йўлчиноқ
Эксплуатация – фойдаланиш
Акция – ялпи ҳаракат
Күлер – сувлик
Кешбек – ҳадя-қайтим
Повербанк – кучлантиргич
Карвинг – мева безакчилиги

СПОРТ
янгиликлари

Баракалла, Тўрабек!

Болгарияда бокс бўйича "Странжа" халқаро турнири бўлиб ўтди. "Кичик жаҳон чемпионати" дея таърифланадиган мазкур мусобақада иштирок этган Ўзбекистон терма жамоаси якунда 5 та олтин, 1 та кумуш ва 2 та бронза – жами 8 та медални қўлга киритди.

Хусусан, 92 килограммгача бўлган вазн тоифасида юртимиз шарафини ҳимоя қилган Тошкент вилояти фарзанди Тўрабек Хабибуллаев финалда грециялик Вагкан Нанитзанианга қарши рингга чиқиб, рақибини 5:0 ҳисобида мағлуб этган ҳолда олтин медални қўлга киритди.

Шу тариқа, вакилларимиз умумжамоа ҳисобида иккинчи ўринни эгаллашди.

“ИНСОФЛИ ЎҒРИ”
БЎЛИШ МУМКИНМИ?

Инсоф ҳуқуқий категория эмас. Инсоф – маънавий фазилат. Ҳатто, олижаноблик белгиси ҳисобланади. У – виждон билан иш тутуш туйғуси, ҳаётда, ишда, бошқаларга муносабатда ҳалоллик ва тўғрилиқни англададиган тушунча. Зидди – инсофсизлик.

Маънавий тарбияда кишиларни инсофга қақирш мумкин ва керак.

"Ғар бўл, ўғри бўл, инсоф билан бўл", – деган мақол халқнинг ана шундай тарбиявий бир позициядан далолат беради.

Инсоф билан боғлиқ яна бир неча мақолимиз бор:

Инсоф билан қўл узатсанг,
Ноинсоф елканггача чиқар.

Инсоф сари барака.

Инсофи борнинг баракати бор.

Инсофи йўқнинг иймони – йўқ.

Инсофли одам ошини ер,

Инсофсиз одам – бошини.

Инсофсизга эрк берсанг, элни талар.

Инсоф зинҳор-базинҳор ҳуқуқий категория бўла олмайди. Чунки қонуннинг 1 миллион сўм ўғирлаганни "инсофли ўғри", 100 миллион сўм ўғирлаганни "инсофсиз ўғри" деб ҳисоблашга ҳаққи йўқ. Жазо ўғирланган пулнинг микдорига қараб белгиланиши мумкин. Лекин қонун олдида иккаласи ҳам ўғри, вассалом. Давлат ўғрилиқка нисбатан оқилона позицияда туришга ҳаққи эмас.

Худди шунинг учун ҳам Ўзбекистон Республикаси Конституциясида "инсоф" сўзи мутлақо ишлатилмаган.


Шомуродов энг зўри

Футбол бўйича Италиянинг "Рома" клуби февраль ойи якунларига кўра, ойнинг энг яхши футболчиси номи учун овоз бериш якунларини эълон қилди.

Унга кўра, ҳамюртимиз Элдор Шомуродов клуб расмий сайтидаги овоз бериш жараёнида энг кўп овоз тўплаб, ой лауреатига айланди.

Терма жамоамиз сардори февраль ойида Рим клуби сафида 2 та гол уриб, яна бир голга ассистентлик қилди. Шунингдек, у Италия А Сериясининг 26-турнинг рамзий жамоасидан ўрин олди.

Маълумот учун, Элдор Рим клубидаги 4 йиллик фаолияти давомида илк бор "Ойнинг энг яхши футболчиси" бўлмоқда.



Ёзувчи ён дафтарида

Хоккейчиларимизда
учинчи ғалаба

Таиландда хоккей бўйича U-18 ёш тоифасидаги жаҳон чемпионатининг III дивизион "В" гуруҳидан ўрин олган баҳслари ўтказилмоқда. Унда Ўзбекистон ёшлар терма жамоаси ҳам муваффақиятли иштирок этмоқда. Дастлабки икки турда ЖАР ҳамда Люксембург жамоаларини ишончли ҳисобларда таслим қилган вакилларимиз учинчи уйинда туркменистонлик тенгқурларига билан баҳс олиб борди. Голларга бой ўтган беллашувда ёшларимиз йirik 8:2 ҳисобида зафар кучишди.

Мазкур натижадан сўнг терма жамоамиз гуруҳда етакчилик қилмоқда.

**Интернет хабарлари асосида
Меҳридин ИБРАГИМОВ
тайёрлади**

